

Advokat Mirnes Ajanović – Sredstvima informisanja

Tužilaštvo TK formiralo krivične predmete protiv sudije Samire Šljivić, ministra Ahmeda Omerovića i inspektora Edina Skenderovića

Tužilaštvo TK obavijestilo je advokata Mirnesa Ajanovića da je formiralo krivične predmete protiv sudije Samire Šljivić, ministra obrazovanja Ahmeda Omerovića, građevinskog inspektora Edina Skenderovića i drugih odgovornih lica iz Ministarstva obrazovanja i nauke TK i Službe za inspekcijske poslove Grada Tuzla. Predmeti se vode u okviru Odjela za organizovani kriminal, korupciju i privredni kriminal zbog sinhronizovanih zloupotreba službenih položaja i radnji koje su ugrozile rad Evropskog univerziteta „Kallos“ Tuzla, kao i sudbine 354 studenta i 111 profesora i saradnika.

Istražne radnje zbog sinhronizovane zloupotrebe moći

Građevinski inspektor Edin Skenderović, zajedno sa drugim odgovornim licima iz Službe za inspekcijske poslove Grada Tuzla, donio je **odluku o zabrani rada Evropskog univerziteta „Kallos“ Tuzla zbog nedostatka upotrebne dozvole nakon promjene namjene prostora** (koji je prethodno imao upotrebnu dozvolu) iako je bio zakonski obavezan dati rok za otklanjanje formalnih nedostataka. **Skenderović je zatim o svojoj odluci obavijestio ministra obrazovanja Ahmeda Omerovića**, koji je to iskoristio za **oduzimanje licence i zabranu rada Univerziteta**. Time je ignorisao važeće rješenje Ministarstva (10/1-34-010766/24 od 29.04.2024.), kojim je Univerzitetu dat rok od godinu dana za otklanjanje nedostataka, što potvrđuje **uvezanost sinhronizovanih radnji** na štetu studenata, profesora i zaposlenih.

Sudija Samira Šljivić je kroz 45-dnevno odugovlačenje postupka i nezakonito proglašavanje suda nenadležnim (što je potvrđeno ukidanjem njene odluke od strane Kantonalnog suda u Tuzli) opstruisala donošenje sudske odluke o privremenoj mjeri osiguranja, zadržavajući na snazi nezakonito Rješenje ministra Ahmeda Omerovića-

Formirani predmeti i istražne radnje

- 1. Sudija Samira Šljivić – predmet T03 0 KTAK 0122323 24, formiran na osnovu podneska Federalnog tužilaštva u vezi krivičnog djela Povreda zakona od strane sudije iz člana 357. Krivičnog zakona FBiH: Prijava obuhvata opstrukciju postupka i nezakonito odugovlačenje donošenja sudske odluke, čime je nanesena šteta Univerzitetu i direktno ugrožena prava studenata i zaposlenih.**
- 2. Inspektor Edin Skenderović i druga odgovorna lica iz Službe za inspekcijske poslove Grada Tuzla – predmet T03 0 KTAK 0121814 24: Prijava obuhvata zloupotrebu službenog položaj zbog donošenja odluke o zabrani rada Univerziteta, kao i povezanost sa postupcima ministra obrazovanja TK Ahmeda Omerovića.**
- 3. Ministar Ahmed Omerović i odgovorna lica u Ministarstvu obrazovanja TK – predmet KTAK 0121808 24, koji, prema navodima iz akta Tužilaštva TK, formiran na osnovu podneska Federalnog tužilaštva T03 KTAK 0009369 24, te Uprave policije MUP-a TK, i Državne agencije za istrage i zaštitu (SIPA): Prijava obuhvata**

zloupotrebe službenog položaja prilikom donošenja nezakonite odluke o oduzimanju licence Univerzitetu, ignorisanjem važećeg rješenja Ministarstva i rokova u kojim se nije mogla donijeti odluka o zabrani rada Univerziteta (koji je u međuvremenu dobio pravosnažnu upotrebnu dozvolu za 2.500 m² visokoobrazovnog prostora, uz 500 m² manipulativnog prostora).

„Formirani predmeti razotkriće svu uvezanost sinhronizovanih radnji odgovornih lica i potvrditi duboke zloupotrebe koje su dovele u pitanje pravo na obrazovanje, rad i dostojanstven život. Očekujemo da nadležne institucije do kraja ispitaju sve odgovorne i osiguraju pravdu za studente, profesore i Univerzitet 'Kallos',“ poručuje advokat Mirnes Ajanović.

Kompletan akt Tužilaštva TK dostupan je na web stranici advokata Mirnesa Ajanovića u sekciji SUD JAVNOSTI, link

18.12.2024.

Advokatska kancelarija Mirnesa Ajanovića